

宜春縣志卷之二十

兵衛

袁地竟江以西接湖湘劉陽上高諸境盜出沒時  
警明初歐黃內附師徒雲集又招降山寨諸人置  
袁衛以隸之袁衛莽守衛兵也後承平日久設民  
兵若干爲守禦廩食有常額平時除閱操登城外  
無所事事一遇有警調遣不能用命崇禎丁丑臨  
藍寇變猶用民兵守城解圍後創設守備一員挑  
選民兵及招募壯勇共八百名駐扎東關教場南  
邊大街之右癸未寇亂益熾甲申始添設叅將都  
司二員駐扎北關

宜春縣志

卷之二十一 兵衛

國朝定鼎爰設協鎮駐防轄兵一千六百名除奉調  
別省外止九百名駐防後始額定捌百名又經甲  
寅大變添設袁臨總兵辛酉寇平仍設袁臨協鎮  
兵復舊制

國初袁州協鎮設副將一員都司二員守備二員千  
總四員把總八員轄戰守馬步兵一千六百名歲  
糜俸餉銀三萬二千八百兩有奇順治十三年巡

按江西御史筮重光據分守湖西道田厥茂議疏請裁將領以省虛糜以裨實用其畧曰設兵原以固圉設將原以練兵兵不知簡將不習兵是以兵與敵也袁協鎮兵一千六百名今奉調閩楚併缺額共六百九十餘名實在兵丁止九百餘名而猶設兩都司兩守備四千總八把總不幾十羊九牧乎兵欲足額非招募不可而招募實難別營之逃卒既無籍可稽土著之懦夫雖有稽無用計莫若擇士著之精強者招補足一千名之數仍以副將

彈壓而止以一都司一守備二千總四把總分理之相地置兵因兵設將此亦兵將之適得其平也疏奏 詔可之於是始議畱都司一員守備一員千總二員把總四員而兵制漸定無糜餉之患矣附癸巳年袁推官王延禔兵議 按袁郡在承平時止有團操民兵二百一十八名分防鄒縣以及挿嶺慈化兩隘每名工食歲八兩六錢四分守令提調不敢恣橫迨崇禎六年流賊四起知府田有年始詳設標兵百名把總一哨官二

統領以防萍鄉之插嶺關又編僧兵百名更番以防慈化喝斷山挑選衛軍之壯者給以雙糧使互相城守是猶無損於公家也崇禎十年流寇犯袁府屬紳衿議設義兵宜春萍鄉各三百分萬各二百士民炤糧助餉崇禎十一年撫院解公發省營兵四百名使把總一員哨官四員統之屯萍鄉西城外十六年獻賊犯袁總鎮左良玉兵踵至追逐於是賊梳兵篋地方騷然矣十七年因萬載天井窩賊之亂餘孽未靖江督

袁繼成遣標將謝騰雲率兵千餘鎮袁

大清定鼎袁土初入版圖長沙尚未向化所在伏莽竊發委將郭天才鎮袁兵丁廝役等共二萬餘名順治三年部推副將尚登第協守始有專官見設兵將每年約俸餉銀三萬二千八百兩有零此袁郡設官之原委也今外患內憂均難弛備然去歲隣警仍求外援潯鎮兵來但聞擄掠蘇都司防禦萍鄉所部士兵盡逃止統親丁捍禦幾靡不測士兵之緩急不足恃卽此槩見

故知將不在高衙而在... 精練果能實心簡練不... 百可也多復何益倘謂兵少則戰守難兼顧不... 知守兵在城何嘗登陴警夜白晝游行里巷或... 邀截柴米蔬菜或壓買雞豚砍伐樹木或離伍... 貿易串引叛僕且一隸兵籍卽逋抗錢糧甚有... 族黨姻戚俱爲包逋使兵吏束手而莫可問又... 有步民一委以千把之職卽乘馬蓋黃抗揖長... 吏至有操其長短者兵丁卽守令薪米攘奪不

恕平民可知也此輩肆橫監司亦未遽行法則... 守令可知也戰守機宜府縣槩不與聞一有疎... 虞不免先受處分恐府縣亦不任受也今欲使... 兵民相安莫若使兵有制而畏法欲兵有制而... 畏法莫若使之稟令於府正設守備一員千總... 二把總四兵一千名以三百駐萍鄉二千總統... 之令分防掃嶺慈化喝斷山等處二百駐萬載... 一把總統之防湖南瀏陽一百駐分宜亦一把... 總統之以備不虞四百駐... 府城擁衛根本不皆

策應知府總其大綱各縣分其訓練兵不擾民  
民不苦兵一旦有急可恃以無恐矣

大教場

在縣治東宜陽門外將臺一所演武亭三

間明景泰七年立嘉靖中移亭東面割地一十

五畝與嚴氏後復入官左閔王廟計二進

小教場

在東門內宜陽坊報恩寺西偏係預備倉

并軍器局舊基順治年闢建爲教場中監演武

亭三大間兩腋屋各一新東西各造營房直至

轅門止西房帶有民基無從查明

武勲

明

歐祥一名普祥初事偽天完徐壽輝爲將至正壬辰祥陷袁州壽輝以祥統兵守禦其地庚子五月陳友諒殺壽輝僭帝祥屬焉然耻友諒所爲不樂爲用辛丑八月明太祖帥師討友諒拔江州祥遣使以地降壬寅正月上至南昌祥率衆來見封袁國公俾仍守舊鎮預征討尋率師取撫州等郡又從克武昌甲辰三月上遣使以書諭祥及江西守將

宜春縣志

卷之二十 武勲

六

鄧愈曰贛州熊天瑞納款受賜不期背違初言輕擾地方理宜聲討今命袁國公將劉右丞黃叅政等軍馬盡數調遣悉聽總兵官鄧愈節制攻討未幾贛州平是時江右郡縣多叛祥與黃叅政彬討之多預有功

黃彬不詳其邑里元季以兵從徐壽輝攻畧歲壬辰壽輝遣歐祥陷袁州遂命守禦以彬爲副將庚子陳友諒殺壽輝僭號彬亦屬焉明太祖旣破友諒拔江州至南昌彬率衆降授江西等處中書省

知政事握兵從征是年取新淦克復南昌削平永  
新周安山寨癸卯四月友諒悉兵圍南昌且三月  
守臣告急七月上帥彬及諸將往援遇寇兵於鄱  
陽湖大戰康郎山連勝之檣持月餘友諒敗死其  
子理復奔武昌自立甲辰二月攻克武昌江漢諸  
郡皆嚮附以功進階中奉大夫贛州熊天瑞負固  
又從江西守將鄧愈袁國公歐祥將兵討平彬功  
爲多丙午丁未連鎮行省洪武元年六月江西諸  
山寨逋卒多逃竄爲民患詔彬統所部兵移鎮袁

州以招集之彬至下令有來歸願從軍者聽其補  
伍願還農者放免復業皆給糧以資由是遠近聞  
風來者不可勝計置袁州衛以隸之二年十二月  
賞守禦功賜白金文幣三年十一月大封功臣授  
開國輔運推誠宣力武臣榮祿大夫柱國封宜春  
侯食祿九百石賜鐵券仍賜文綺及帛二十疋詔  
討贛州上猶縣山寇十一年春詔與湯和率步騎  
駐臨清備邊未幾召還後數年卒

韋富湖廣黃岡人歐祥部屬歸附後授袁州衛千戶

尋陞指揮僉事衛治柳建多其績洪武二年以擒  
宋赤脚功陞指揮同知九年調遼東金州

石原鳳陽定遠人明初從軍渡江授岳州衛百戶尋  
陞襄陽千戶洪武十七年以征雲南功陞袁州衛  
指揮僉事前從征廣東俘馘甚衆以疾卒子玉襲  
陞指揮使玉子偉通大義存恤士卒境內鎮靜尤  
樂事詩書以文濟武各所屈堂巨思勲

邵昱合肥人父富明初從渡江以勲累進京衛指揮  
既老昱代之授袁州衛中所千戶常領軍從征湖  
南及兩廣蠻洞有功一日大祖念富父子忠勲召  
至京特晉陞爲袁州衛指揮使俾掌印富遜石原  
子玉上嘉之遂世襲指揮同知

指揮余成卽余慶子宣德二年征交趾死之世襲

指揮周經死於陣贈都指揮僉事世襲

指揮刁琛父死於姚源難



國朝武勳并勦棚寇始末

甲寅四月棚寇猖獗協鎮趙遣守備陳素綸楊朋實帶領官兵前往慈化各地方堵截六月十一日遣守備陳素綸千總金明俊等統領馬步官兵進勦三關九畝十三日陣斬賊首朱益吾逆侄朱翰苑直搗巢穴陣擒賊首李念松李瞻我

七月初五日又遣千總趙光正汪國樑等征勦慈化黃塘楚山泉坑等處

十月賊焚掠錢塘等處十四日遣守備楊朋實前往

宏春縣志

卷之二十一 武勳

九

勦殺百餘人活擒十八名

十月賊據萬載城餘黨分踞善和鄉荊橋等處二十一日總鎮趙親統官兵會同都統穆前往荊橋地方撲勦僞總兵左宗榜陣斬逆賊五百有餘活擒五十餘名公審正法二十二日隨統滿漢官兵前往萬載陣斬逆賊數百活擒賊首丘以祥僞知縣童聖功恢復萬載縣城池

十一月棚寇帶引逆賊僞掛印將軍朱僞總兵黃乃忠等山西村一帶逼近郡城初三日總鎮趙會同

都統公統領滿漢官兵前往堵剿陣斬數千級初  
四日檄令防萬遊擊陳素綸撲剿萬載逆賊陣斬  
偽監軍道盧景岱父子賊將漆國勳活擒偽守備  
李忠

乙卯三月賊焚擄油木棟一帶地方初二日遣中軍  
遊擊潘希聖等統兵進剿斬偽千總支勝吾殺賊  
二千有餘活擒賊首七名

四月初十進剿白水老巢殺賊千餘人

丙辰二月十二日遣千總馬光英把總丁魁帶領馬

定春縣志

卷之二十 武勳

十

忠兵丁隨王師征勦萍鄉逆賊十五日陣斬逆賊  
偽守備馬登雲李正良吳鍾并斬囉囉等恢復萍  
鄉城池三月初五日遣把總陳忠等領兵前往長  
坑地方活擒偽總兵揭玉卿胞弟揭文卿并賊黨  
一十一名正法

三月二十二日遣中軍遊擊李顯宗等統領馬步親  
丁自袁遣發又檄防萬遊擊陳素綸從萬載遣發  
訂期會勦鉄山界巖前等處搜勦偽總兵朱永盛  
等陣斬偽都司一員為守備一員并獲偽劄三張

活擒僞下總曇雲追至沙溪湖塘城潭江殺賊千餘活擒僞守備孔輿所餘逆逃遁瀏陽醴陵各處浚山復率官兵前往桐木地方及脚版坑等處陣斬僞將軍隨征官一員甘復登殺賊不計

四月棚賊復據萬載十五日遣守備楊朋實都司趙應時等統領官兵前往萬載會同遊擊李顯宗策應會勦逆賊恢復萬載城池二十日遣城守營遊擊關彪前往茶村一帶撲勦逆賊陣斬僞守備江文夾

安春縣志

卷之二十一 武功

五

丁巳正月二十四日總鎮趙統領遊擊趙應時等馬步官兵從金端進發又遣城守遊擊關彪都司汪國樑等領馬步兵由白沙桐木前進又遣守備胡文良等領兵由上栗市碧溪前進訂期夾勦白水株樹潭老山坑聚錢坑鉄山界蜈蚣巢藍家巢葛坑南岩紅沙等處直搗黃茅孫家墩老巢陣斬僞遊擊周良宇卜鳳奇僞都司張問達黃大用歐陽勝楊吉勝陣獲僞將軍大旗手曾興段祥楊蘭生殺賊不計活擒賊兵王仲等三十一名凡屬賊巢

盡行燒燬賊首朱永盛曾加印等嘯聚餘黨潰逃  
瀏陽東鄉大圍山雞婆尖處因地界寬濶山林深  
險于二月十七日收兵回營屯扎株樹潭築蓋營  
房總鎮趙班師回鎮留健丁遊擊趙應時城守遊  
擊關彪都司汪國樑統領馬步官兵駐防困守賊  
巢不時搜勦賊勢窮迫乃于戊午年二月十八日  
僞總兵朱永盛高玉澤曾加印僞副將范君佐甘  
孕貞丘加戢陳君啟僞遊擊叅守千把等官率領  
僞兵萬有餘人親詣株樹潭投誠二十八日自株  
樹潭起身送赴袁城叩見總鎮隨蒙總鎮趙城守  
關彪遊擊趙應時都司汪國樑袁州知府正堂  
顧軍廳孟宜春縣知縣具各捐米有差安插投誠  
官兵地方安堵隨奉總督董分散各標効用兵  
丁入伍食糧如願歸農俱准回籍

康熙十六年十二月二十五日總鎮趙咨呈稿

爲呈報驅逐棚民以靖地方以固邦本事切照袁  
郡僻處山陬界連閩楚三關九畝高嶺遂谷向爲  
藏奸之藪先年閩省棚民潛居其內事平則耕山

種麻遇亂則糾衆橫行查自甲寅年叛亂以來乃有渠魁朱益吾李念松等勾連吳逆盤踞萍鄉東劫西擄百姓無不受其荼毒屢年以來發兵洗勦漸次削平擒渠獲醜久經呈報本部院荷蒙具題在案但其勦殺之餘復經潛入實關民瘼今據袁州府宜春縣鄉紳潘于達袁一菁楊尚義萍鄉縣貢生李明喬譚錫命等生員姚蠡方直林喬植柳元生鄧嗣禹陳德瑤等爲乞奮霆斷盡行驅逐早弭禍亂永靖袁土事 天憲德威丕著士民感恩

再迨禍緣棚寇盤踞各鄉呼朋引類釀成積患在承平之時或夤夜行劫或旱荒搶奪屢受其害一遇有警則蟻附蜂發自

本朝定鼎以來一反于金王作變之年再叛于江南震動之日荼毒生靈難以悉數馴至康熙十三年四月滇黔煽禍輒敢公朕大舉三關九畝處處是賊蓬蓬聚黨幾人將軍幾人侯伯殺傷捉擄焚屋洗財萬惡滔天神人共憤以致鄉城丘墟千里流血妻離子散家破人亡真數百年未有之奇殃袁

郡老幼不共戴天之深讐食肉寢皮尚有餘恨也  
幸際天憲親統貔貅神速撲勦犁庭掃穴郡賴  
更生稍寬一網計令投誠詎惡遂藉招撫爲由仍  
朕恣住三關陽爲歸順陰伺間隙容匿奸宄潛通  
消息雖附近鄉愚已經控詞蒙天批着驅放回  
籍柰惡懷奸觀望飾詞遷延留連袁土乘時竊發  
抗藐憲法不促歸裝切思非我族類其性必異  
狼子野心終難馴服養虎噬人一悞不堪再悞厝  
火積薪小仁必亂大謀倘此日遲遲不去逆黨必

源源而來不特日後大患叵測實目前隱憂可慮  
天台與民除害千載一時紳等情切生死慮深家  
國冒懇終恩俯徇輿情迅法屏除盡驅回籍不畱  
餘孽立斬禍根袁民有賴又據宜萍二鄉難民鄉  
長余孟器譚文斗等連名狀訴爲再頒文武神威  
執法靖孽保國安民伸雪人鬼大冤事內稱禍因  
柵逆朱益吾插居袁地引類呼羣假以耕山爲名  
節行倡亂各憲有案不期康熙十三年風聞楚孽  
乘機橫法殃民男婦任其殺擄屋宇盡爲灰燹包

山血洗枕骨遍野屢蒙 憲天整旅蕩勦餘黨刀  
下免死招安屢赦屢叛仍前作虐以致殘子化離  
四載不敢寧家今春蒙搃憲蕩平之後三月內示  
限五月間稟促回籍蟻等于七月內冒訴

天台頌全始終民信不意反遭客長王元德譚輔  
臣等訴稱林木池魚禍殃不已乞分黑白覆盆有  
天捏架虛詞席捲謀產哭思棚逆閩人異籍蚕食  
袁州有年自朱益吾叛亂之後三關父子兄弟人  
人皆賊卽今年蕩平已久株樹潭上粟市萍鄉安

福萬載四面大兵雲集楚逆從無犯界而擄桐木  
擄狗頸擄秋江擄雞冠擄上通擄下通擄名湖擄  
金竹擄清溪擄小觀擄石觀皆此招安餘孽之害  
也遇進勦則藉招安爲救命之藪一師旋則仍復  
負隅肆毒無有寧日且王元德素行不軌康熙十  
年穀價稍貴惡卽煽黨湧船搶擄南米致易登三  
彭茂芳已經具控前任軍憲勘審案存平時尚且  
橫行臨變豈不符叛哀懇 青天作主驅逐當道  
豺狼合郡絃歌載頌子子孫孫立碑焚祝又據

州府宜春縣合邑鄉紳潘于達楊尚義袁一菁首  
生袁士嘉袁一颺周家禎生員姚蠡張鳳翥梁曾  
著民胡姚祚等公呈爲柵逆藐抗遷延再懇迅驅  
回籍永杜亂源永奠殘黎事 天台撫愛黎元德  
並高厚蕩掃妖氛威鎮江楚數載以來帷幄深謀  
鯨鯢授首現今樹幟要區遊魂遠竄目前所深慮  
者三關餘黨各藉舊日招安陰爲豺狼之淵藪士  
民所披瀝者百年遠計實望此際驅除永絕虺蜴  
之根株日前具控荷蒙申飭再三年復一年未見

束裝載道踪跡逗留晉心懷叵測此輩一日不去殘  
黎終難復業現前已久作遁逃之主將來不覺萌  
蘖之端見患不除爲憂方大懇乞 總憲大老爺  
威行風電迅掃遺孽押令刻期速行毋俾竚立觀  
望更有滾蕘者新喻鉄坑一帶餘孽尚有負隅竊  
恐中途類聚相符爲奸是此去而被晉實前驅而  
後進必爲異日之隱憂可無先事之早計伏懇賞  
文嚴勅各屬沿途曉諭押令出境毋容隱匿本土  
復圖乘釁竊發則 總憲大老爺勝筭萬全而造



福於袁郡者與天地同悠久也地方幸甚士民幸甚各等情到鎮據此爲照此輩立心不軌素行叵測革面未必革心昨本部院進勦銅鼓賊衆望風披靡其潰敗逃竄者或三五十或百十成羣潛伏三關之內而棚民且爲之容隱以致百姓不敢進內耕種田土悉屬拋荒且包藏禍心日則剃髮是民遇晚糾黨行劫且通各處賊寇暗行不軌其叵測情形屢經報明在案萬一將來別境稍有蠢動又復乘機竊發且三關地連盧溪宣風長沙孔道若不亟行屏逐實萬分可慮誠爲袁隱憂今據各鄉紳瀝陳前來本職意欲發兵勦洗以盡根株仰體

皇上好生之德暨本部院勦撫並用之恩查此輩盡屬

閩人今該省業已恢復現在行令將備會同有司委官驅逐盡行促令遞解回籍庶內患不得復萌而地方永享安全之福矣除會同袁州府縣委官逐令回籍并安插百姓各歸原業之後另文呈報外合就咨呈本部院俯賜查奪施行

戊午年正月初六日遣健丁營守備許君用中營  
趙光正會同袁軍廳孟前往三關九齒等處驅逐  
棚民又檄防守林樹潭都司汪國樑驅逐慈化余  
家坊桐木上栗市荆坪黃塘馬嶺桃塘馬坑施家  
坊等處驅逐棚民數千餘戶悉令回籍永絕根株

附錄

文武公祖父母驅除棚寇功德碑文

袁州接襄湖南爲吳楚咽喉重地百年以前居民因  
土曠人稀招入閩省諸不逞之徒賃山種麻蔓延至  
安春縣志

卷之二十一 碑文

六

數十餘萬盤踞溪固雖太平無事之秋陰行劫掠一  
遇變生輒爲亂首壬午天井盜起則丘仰寰入據郡  
城戊子金王謀逆則朱益吾播虐鄉邑己亥海寇犯  
金陵復揭竿樹幟怙惡不悛當時惟因循姑息釀成  
大患頃因康熙十三年吳逆竊據長沙此輩蜂起響  
應綿亘數百里焚殺淫擄所過爲墟萍萬二邑再陷  
袁城危若纍卵賴 總鎮趙公祖以貫日精忠運如  
神智畧鷹揚一怒出萬姓於湯火之中遂梟渠帥朱  
益吾殲羣醜李念松王乃忠等卒使環袁以內光復

舊宇大江以西無缺金甌凡茲鋒鏑餘生固已謳吟  
弗輟禱祀難忘者也尋復招楚界負嶠窮寇儘數投  
誠且搜剔三關九畝遺類勒令回籍是一時倒懸之  
厄可解而百年難拔之患獲除但棚黨奸狡百出陽  
託旋里陰匿近境者實繁有徒幸逢 府主于 廳  
主楊 縣主王會同 總鎮梁滾慮各屬鄉隅不戒  
從前之失復貽滋蔓與袁民約束再三嚴行保甲之  
法逐戶逐營查驅毋俾遺種于茲土其先後崇功偉  
業直與袁山秀水流峙無窮凡屬部內得以飲醇食  
德寢處不驚者皆 文武公祖父母貽謀之遠且大  
也其防患捍災恤民輯兵諸善政未易殫述第綜其  
驅除棚寇功德壽之于石以誌不朽且戒後之紳士  
居民世世子孫無蹈前愆招之復入尤冀仁人君子  
牧斯土者綢繆未雨無替我 公祖父母之恩勤斯  
萬世之利賴也夫

闔邑紳衿耆里等全立

錄府主于 禁採買革火耗事蹟

安春自軍興旁午百姓苦於供億最難堪者營弁  
假軍芻爲名肆行採買積弊難革 府主于 下  
車之後會同 廳主楊 再四申飭嚴行禁止宜  
民始得休息嗣奉 總督于 憲檄嚴禁雜派又  
復嚴飭各屬并營弁不許仍蹈前轍如敢陽奉陰  
違卽直指貪墨按例處分尋蒙 府主仰體 土  
憲德意牌示迭行務令稟遵無違又續行禁革火  
耗諭令各屬恪遵 總督告誡 司道申飭每遇  
征糧之時卽查明各戶應完實數照部頒法馬自  
秤投櫃於包封上註明姓名數目以便稽核其一  
切火耗全無斷無不踴躍爭先完公者不惟易全  
考成抑且流芳千古懸示通衢谷邑樂從萬民懽  
聲因而載道矣

附錄 府主于 捐米各營并請餉接濟事實

宜陽當數年兵燹之後師旅絡繹饋餉維難袁臨  
鎮標各營兵馬於十七年奉

旨出征家口悉住袁城雖有糧餉按時給發而彼時  
投誠新衆又有撥支月糧之款其出征家口不無  
嗷嗷待哺 府主于 憫其在外勤 王有揚柳  
雨雪之嗟家室蕭條多懸磬敲砧之嘆自健丁營  
及前後中三營各捐米八十碩委把總余天奇逐  
口給散各沾實惠後各營奉

宜春縣志

卷之二十事實

二十九

旨班師其閱歲懸支糧餉應於江省領足 府主于

憐其荷戈載道盡歷艱辛一時措餉不繼實爲

地方隱憂又爲轉借銀兩接濟屢爲轉詳 各憲

愷切請給軍餉兵賴以濟武賴以安是各營之涸

鮒全甦而袁城之金甌鞏固爲 國爲民皆兼得

也維時健丁營及前後中三營各領捐米八十碩

且均受借措銀兩請給糧餉之溥恩俱經移會在

案例應紀實入乘用志不忘

哀州衛

原設衛之制初為容民蓄衆起見給以屯種以備  
月糧役以運務以昭報効也迄今沿習既久銷磨  
殆盡額船勢重而不能卸肩戶丁寥落而不能負  
重呼籲無門賠償無策安得國手良劑一起死而  
肉之骨歟

衛官

明制每五年撫按司道會案考選能官更番印運  
并操屯等差

安春縣志

卷之二十一 軍衛

三

國朝部推掌印守備一員

部推左右中前後五所千總五員

一衛址

衛在縣治南三十步明洪武元年設指揮使司左  
右中三千戶所及經歷鎮撫司十三年增設前後  
二所共領五千戶所永樂二年立屯一十三處

正廳

五間明指揮韋富立

鎮靜堂

正廳後

經歷司

正廳左經歷知事衛二所

鎮撫司

正廳右有吏目廳

旗纛廟

正廳西

衛倉

衛治內東北隅洪武十九年指揮石原立

左右中三千戶所

在熙春坊南倉下今址存

前後三所

熙春坊下今址民人佃耕租入該所千戶公費

軍器局

舊在宜春臺下明洪武七年韋富立嘉靖中改建兵備道復遷柱國坊天符廟下

衛店房

八十三間共租銀七十五兩五錢七分設衛動支作各項公費

### 一本衛軍數

原額軍二千戶舊志見在操運精局門哨各差正餘軍共一千六百四十三名後屯運逃亡節年兵寇丁亥奇荒順治六年止存屯丁一百九十六戶屯運二差俱在內又時逾十餘年逃亡十餘戶比

宏春縣志

卷之二十 袁衛

三

之原額一千六百餘戶所存不及十分之一矣

### 一本衛運船

明初額船一百隻正德間宸濠之變南昌兵冗分撥二十隻到衛本衛船多軍累於萬曆間屢控院司乞將南昌衛撥來船二十隻盡數撥回以甦袁軍奉批止撥回十隻歸南昌衛尚餘十隻未還以致本衛運船額載一百一十隻每船編軍一十一名共一千二百一十名催運軍伴五十九名時船該軍三銀二十一兩九錢民七銀五十一兩

錢及封底心銀十兩共八十三兩本旗親領造船  
餘領官價之外尚多賠墊狀彼時缺船頗少衛軍  
殷庶以數十戶合造一船甚易明末袁郡七遭兵  
燹衛軍十不存一漕船被燬被奪竟無一存

國朝順治六年始百計搜覓前後造船一十九隻衛  
弁叅罰日至又將見運船內幫丁撐攜丁析僉朋  
造九隻而舊船滿料者復有八隻則仍是二十隻  
之數衛無餘丁船難足額康熙四年知府李芳春  
同推官鄭焜以袁衛凋殘獨基漕船僉造無人等

空春縣志

卷之二十一 袁衛

三

事具詳守道施公閏章轉詳巡撫部院董公衛國  
仍移署糧道分巡周公體觀蒙議以淺半減造量  
裁二十七隻在袁衛已邀浩蕩之恩尚存七十三  
隻終是以蚤負山誠計不知所出也

附守道施 詳稿其畧曰衛所疲苦所在有之而  
絕軍缺額無如袁爲甚也按明初衛軍六千餘戶  
額造漕船一百一十隻在昔五六十戶合造一船  
除領官價外雖有賠墊時財豐物賤衆擎易舉迨  
本朝定鼎各軍歷役三百餘年矣疊遭兵火丁消船



燬所存衛軍不過一百九十六戶不及原額三十  
分之一前後搜僉共一十九艘見丁力盡萬不得  
已又於見運船內抽擇撐攜幫丁朋造查已陸續  
僉造九隻成功未卜而滿料舊船又有八隻即使  
新僉數船告竣僅可補二十隻之數而正丁幫丁  
撐攜丁已僉一百五十餘戶此皆賣產折屋鬻妻  
典子膏血竭矣餘多赤貧無依勢急流亡據詳見  
運棄船潛遁者九名見造離散遠去者四名又新  
僉夜遁與欠糧避徵者各十三名雖多方追捕狡

脫愈遠本道先經痛陳袁衛情形詳矣該府廳以  
勢迫計竄竊思船爲糧設每船例載米五百餘石  
今止就瑞州府所減浮糧九萬九千餘石約計可  
省漕船百餘隻卽酌裁窮衛缺船之額數於漕政  
無損且免造船數十隻公家得省料價與行月糧  
等銀萬有餘兩軍丁得免賠墊雜費不可勝計上  
裕

國計下恤軍隱實有裨益本道非不知漕額重大而  
萬難取耳不敢緘默合請本部院俯念艱苦因時

變通 題請豁減使見運者稍得甦息疲憊者可免流亡積困除而漕務濟矣

附署糧道周 詳稿其畧曰袁衛軍船缺額之多與屯兵逃亡之甚僉造之難已備悉疊詳荷蒙具題在案矣今准守西道咨據該府廳詳請以瑞郡減浮漕米裁減該衛缺船查減浮漕米久奉前總漕部院 題減江南入幫船隻則是該府廳所議實不知久行炤減亦於江南協船除去無庸置喙者也但袁衛流亡殆盡倘不爲一變通補救之術將

必至盡逃而後亡非因時制宜之善策也再四思維惟有炤撫州建昌事例以淺半計籌減造船隻將袁衛額船一百一十隻裁減三十七隻止造七十三隻查建撫二所丁缺未如袁衛之甚而減造不得額糧運數則袁衛之堪憫以減造猶未能強足誠不能復問原額徒使上下各官受缺船之累矣

按袁衛缺船之苦累瀆難盡百計無補今當事仁人君子體切詳議得減三十七隻爲德匪細故具

載其詳文以誌不敢忘狀而袁軍之流亡終不能  
救也狀則如之何曰事窮則變變則通在昔南昌  
以宸濠之變南軍急在守城不暇屯運而袁衛弁  
丁又多故暫移船二十隻俾袁衛帶運非原定之  
額也今袁衛殆盡南昌衛軍強應將未還之十隻  
盡數撥回南昌可也又查漕運議單一欸一所缺  
軍本衛僉補一衛缺軍通漕僉補今袁軍十不存  
一應將袁衛缺船從長酌議於通漕酌派僉補而  
本衛僅留三十隻庶乎殘軍苟延屯運不廢當事

者其熟籌而力拯之

一屯田

原額屯田七百九十戶窶落四縣及湖廣瀏陽等  
處初制五所爲五十五每一伍爲一甲後以十戶  
編爲一甲催趨屯糧舊例每戶納米六石共四千  
七百四十石後例每戶折色銀一兩二錢徵本  
色米三石共銀九百四十八兩米二千三百七十  
石尚不敷一年軍餉明萬曆戊子水旱拋荒屯道  
行府扣各軍月糧抵對完屯屯軍節年援例各曰

對支在軍爲便而屯田因之埋沒後益失考入國朝諸衛軍請食月糧盡改充兵餉袁衛軍並無請糧不得藉口對支今原額屯田七百九十戶內無主荒蕪四百九十二戶止存有主荒蕪并成熟屯田二百九十八戶每年正額銀七百六十七兩四錢二釐四毫又加增一百八十八兩八錢二分實在屯田八千九百四十一畝計田課糧額解已定自十餘年補造孔亟丁逃產絕額解不敷每年以印屯官役俸食捐抵尚苦不足抵額而各丁遠逃節年捐抵之外窮丁逋欠益多屯戶絕烟者什七而屯田無贖者又什之九額解錙銖半屬賠賊軍困莫支不至衛無一軍不止救焚拯溺誠今日亟務矣

一軍器

明每年本府給發軍三民七銀二百一十一兩八錢八分四厘發各軍匠買料造完呈府驗明軍匠自造自解進京上納取獲部批在案今俱徵銀

附袁衛策問

王光烈

問宜民有太累三其一在民斗作官斗累在賦重荷蒙順治拾三年

皇恩親咨覲臣清汝潯糧廣祿蠲賦其一棚戶逼處宜地蔓延猖獗賴

皇威赫濯大兵蕩掃驅逐無遺此二大累宜民幸邀殊恩者也其在今爲大累者惟袁衛旗丁苦額船不足無術補救耳先是衛丁繁盛時約有六千餘戶袁衛額船共一百艘正德年間因宸濠之變南昌衛

宜春縣志

卷之二十一 袁衛

二十七

一又仟撥二十艘與袁衛嗣是年代既遠衛丁日就消亡向之六千餘戶僅存壹百餘丁又皆捉襟露肘賠貲空乏身家不能存濟者而南昌仟撥之船幾經繪陳僅得撤回十艘袁衛額船因而共存一百一十今以僅存之一百餘丁責之滿造一百額船不惟敲骨吸髓無濟於漕將恐後來無骨髓之可任敲扑也夫時窮則變變則思通爲今袁衛計其通變之術將安在歟計減造則功令難違司漕政者各有厥責減運則額米有數任梯航者不能推

移計扞撥別衛則隣國爲壑其誰甘受卽令再撤  
回十艘與南昌衛亦終莫解袁衛之倒懸也爾多  
士將以經術經世當此束手無策之日有可爲衛  
丁請命或減額造或減額米可少救目前之急者  
歟抑或有長計遠筭上可爲

朝廷惜經國之費下可爲衛丁紓逃疲之苦不致今  
日告班軍明日告協濟仍使船不必及額  
國不致缺米兩利而兼得歟其各抒所學詳著于篇

遺事

往哲緒言無所附見者則稍記于此間有一二異聞亦附見焉用資博雅且闡前徽

韓愈自潮州量移宜春郡黃頗學愈爲文亦振大名頗常觀盧肇爲碑版則唾之而去頗與肇同鄉頗富而肇貧同日遵路赴舉郡牧餞頗離亭肇駐蹇十里以俟明年肇以第一名還袁因競渡卽席賦詩見藝文

沈彬字子文隱宜春雲陽山學仙道工詩有湘江行

宜春縣志

卷之二十遺事

二十九

云數家澳網殘烟外一岸斜陽細雨中人膾炙之唐末舉進士夢著錦衣貼月飛人謂身不入月宮必不第果歿後仕南唐爲吏部郎臨終指葬地以示家人穴其所得石蓮花燈三椀有銅碑鐫詩云石燈猶未點畱待沈彬來

豫章詩話

長沙王容淳熙癸卯冬赴省首過袁州禱于仰山之神夜宿州東旅舍夢人歌玉樓春纔半闋云玉堂此去春風煖正飛絮馬前撩亂嫦娥剪旖綠羅衣待來到蟾宮與換後果狀元及第

仰山夢靈應甚多見實錄

昔有道士至澄心菴居久之以劍指菴門右東十八步掘井又前十六步掘池水上一日駢去遺鐵笛全鍾各一人以其爲呂巖也因名其井池口呂公池卽宐春臺下孚惠泉久爲居民淤占知府范欽始浚之今復淤或以爲隣豪占非舊井矣

府城西北化成巖左一石刻眉壽兩大字按元學士歐陽玄集中載至正秋浦陽鄭淡字浚常由吏部郎除浙西僉憲先是爲內府授經郎魯侍皇太子視席及行往辭因詢南歸何故深以恩侍登八十宐春縣志

卷之二十 遺事

三十

老母對太子惻然取所書眉壽二大字賜之此或模刻以廣其傳乎

宐春化南鄉林田石洞深邃廣濶崇禎癸未冬左兵慘殺居民無地可避相率入洞內兵以火薰之死者千餘人止一人以身伏地口浸水窟中如蹄涔大得活自後避兵者宐以林田爲鑒云

丁亥奇荒二三四五月饑死者不可勝數有一老人盍貧僅餘一月糧曰前輩有言人日食米一合可數月不死不斂男僅五日女僅七日耳迺以其米



分食之日食一合襟野菜中啖之果得不死亦  
荒者所宜知也

彭汝明號天目名士毅源公第四子也總角善屬文  
卽廩諸生十七歲選應天啓恩貢居平孝友謹救  
不妄一言癸未獻賊陷袁初至曰以僞官誦人蚩  
蚩者走如驚汝明獨憤謂所親曰鼠賊耳計日當  
從滅挾書冊匿安成境上久之間左兵至疾歸圖  
上謁諸鎮終言地方廢葺事至城東五十里外曹  
家坑小徑突遇差兵扼之汝明曰我讀書士也不

得無禮兵曳其鬚僂僂貌衣頗鮮飾大譁噪炮烙  
之罵不絕甲卒受命汝明父子兄弟五人俱篤  
行能交張兜孝廉汝翼先逝餘俱死左兵凡男婦  
一十六口僅存二三幼子匿山窟中得免亦足見左  
師橫毒之繁云

諸龍禪院和光祖師道場師姓李在禮鄉鍾家嶺人  
相傳爲普庵弟子先是師爲學博將赴舉遇普庵  
以一二徧語挑之大有所契卽叅法座後傳心卽  
普庵後以秘符曰遇橋卽止遇龍卽任師由是杜

錫而南徘徊大仰木平岐路之間至虹橋而止遇一蛇翹首折行師隨至蟠龍山下蜿蜒而上絕頂廣袤之脊蛇因蟠而伏焉師卽其地爲禪室蟠龍蓋以蛇得名也

宏邑四大叢林

大仰山惠寂禪師道院木平山善道禪師道院慈化寺普庵祖師道院蟠龍山和光祖師道院

明永樂間慈化寺被火災後成化年間寺僧湯首錫爲化主起建佛寺賃請萬載嚴平匠頭楊屬圖稿

宏春縣志

卷之二十遺事

三

不成明日忽遇一人授之以書乃寺圖稿也後依書豎造果規制閎偉得未曾有其高七丈九尺內爲堂屋三進外觀止一棟脊其法柱頭加大枋板板上又安柱頭如是者三故能高至七丈九尺後明末寺中忽一柱傾壞仍請楊姓人修治亦燹其書改造至今楊姓子孫尙畱其書在